

no. 6

LE
FINANCIER
A MESSIEURS DES
ESTATS.

Fol 32

M. DC. XV.

duplicate
not cataloged

LE
FINANCIER
A MESSIEURS DES
ESTATS.

MESSIEURS,
Vous avez vne obligation extreme au
sieur de Iuigny & a Beaufort, car aprehen-
dans que le grand murmure qui est a Paris à
cause de la mauuaise intelligence qui est entre
vous, n'alterat les volontez du peuple, curieux
de la conseruation de vostre honneur & de la
reputation de la France, ont fait courir des me-
moires contre le corps des Financiers, se per-
suadans que par là ils obligeroient les Fran-
çois à la nouueauté de leur proposition, & les
destourneroyent de la sollicitude qu'ils pren-
nent de sçauoir ce que vous ferez de bon en
vostre assemblée.

Et certes comme il n'y a rien si doux que la
vengeance, tout l'Estat qui croit estre volé par
nous, reçoit comme de la main de Dieu ce qui
tend à l'extirpation des maux dont on nous
publie les auteurs, & estime que d'enuoyer
vn Financier au Gibet, c'est faire œuvre meri-
toire : C'est pourquoy des aussi tost que les
beaux oracles de malheur & de desolation du
Genre humain, les mauuais Prophetes ont eu
mis au iour le retablissement de la Chambre

de Iustice, vous tous ensemble auez creu, auez crié, qu'elle estoit necessaire & sans sçauoir contre qui vous agissez auez demandé à la Royne, quelle feust restablie qu'on procedast contre les financiers, qu'on les exterminast.

L'histoire sacrée nous apprend (& Dieu le dit aussi) que maudit est celuy qui desire la mort de son semblable, qui la pourchasse, qui l'aduançe : toutes les loix Diuines, les Politiques & Ciuilles le deffendent, & nous sçauons par experience que les mauuais desirs n'ont iamais vne fin heureuse.

Que croyez-vous qu'il nous reüssisse de cette demande? Vn iuste reffus, & quand elle seroit accordée quel profit en esperez-vous? La ruine de quelque pauvre innocent, & quelque peu d'argent d'un gros coupable, car en telles recherches les pauvres seuls sont oprimeez.

Qui a iamais veu Chambre mieux faicte, ny mieux ordonnée que celle qui estoit en mil six cens sept, tous bons Iuges & le sieur Mango Procureur General du Roy? vn Edit d'abolition, vn miliõ imaginaire de liures, l'ont reuocquée, & pourquoy? par ce qu'on s'adressa aux gros Millours, il vous en arriuera de mesme croyez moy, & de toute ceste grãde leuée n'en esperez que du vent.

Vous y auriez aussi du regret, car il n'y a aucun de vous qui n'appartiene au Financier & qui n'ayt à faire de luy, & souuenez-vous que si vous passez iamais par nos mains nous nous souuiendrons de la rigueur dont vous nous voulez poursuiure.

5
Le Clergé nous doit des decimes, nous ordō-
nerōs a Castille & aux Receueurs Prouvinciaux
de ne vous accommoder plus de ne prēdre plus
l'interest pour l'attente de vostre taxe, nous fe-
rons saisir vostre temporel, vendrons vos meu-
bles, Chiens, Cheuaux, & Carosses, & n'esparg-
nerons pas mesmes Messieurs les Cardinaux,
en sorte que vous maudirez la Chambre de
Iustice & la Iustice mesmes.

Vous Noblesse n'esperez point qu'on vous
acquitte vos Corruptions, ie voulois dire les
Rescriptions & assignations qu'on vous pro-
met pour trahir vostre ordre, nous auons apre-
sent des Tresoriers des pensions & des pre-
miers commis de l'Espargne (puis qu'il plaist a
Madame la Mareschalle D'ancre qui en a tou-
ché six cens mil liures) qui ne se contenteront
pas de six deniers pour liure qui leur sont or-
donnez n'y du tiers de vos pensions vous leur
en baillerez la moytié Dieu aydant, & ne serez
gueres mieux payez du reste.

Les Tresoriers de l'espargne puis qu'on les
veut empescher de pescher en eau trouble, &
que vous recherchez leur extraction, & leurs
deportemens, ont resolu de ne vous payer plus
aucun voyage encor' que la direction & Mes-
sieurs les Intendants nouuellement créés l'euf-
sent ordonné.

Nos Maistres del'ordinaire & extraordinai-
re ont iuré & protesté de n'acquiter plus vos
appoinctemens de Capitaines apointez, vous
n'aurez plus de Passeuolant aux mōstres: L'en-
tretienemēt de vos cappitaineries, maisons for-

tes & Regiments est mort, & si pour tout cela ne laisseront pas d'employer le faux roolle & les quittances fauces dans leurs comptes, cōme ils ont accoustumé & cōtinueront avec les Tresoriers des ligues de voler les pauvres Suisses.

Au surplus il n'y a pas vn de vous qui ne doive a nous ou a nos parents, amis, Marchands, Sauetiers, Cordonniers, Rotisseurs, Patissiers & autres semblables especes d'hommes, nous auōs tous iuré & fait ligue offensiue & deffensiue d'apointer tous les Sergēs des Barrieres de Paris, pour vous demōter & saisir vos cheuaux le iour que vo⁹ sortirez de vostre assemblée des Augustins, & que vous aurez resolu cette recherche & fort a propos, vous vous estes picquez contre les Lieutenants Generaux, car Monsieur le Lieutenant Ciuil a promis de nous bailler des Ammené sans scandalle tant que nous en voudrons moyennant demy escu piece.

Quand au tiers Estat qu'il se souuienne qu'il passera par nos parties Casuelles, nous vous tiendrons la rigueur des quarante iours (encores que vous en ayez la dispense,) nous vous battons de tant d'ancheres sur encheres & de friponeries que vous serez contrains de nous crier mercy, ie vous recommande au sieur de Ligny qui n'entēd point ce chiffre, & a Montescot où a son nouveau successeur, vous m'en sçaurez que dire au retour des plaids.

Pour le payement de vos rentes vous n'aurez qu'un tiers de vostre moytié, & si avec cela vous aurez à faire a Moisset & au Procureur Payen son Commis, qui ont le moyen de vous

bailler de la monnoye de feu Rochebrune, qui ont le secret de falcifier vos signatures & escriptures qui sçauent faire de l'ancre qui s'en va en fumée, tesmoing Briant & Robin, & d'oster l'ancre sur pappier, qui sçauent traiter des rentes: Bref de qui l'exercice est de voller, & Dieu sçait, si voyants que vous demandez vne chambre de Iustice perpetuelle & permanente sans espoir d'abolitions, il vous tailleront de la besongne; & vous traicteront gallemment de crainte qu'une seconde prison ne leur couste la vie au lieu que la premiere ne leur a cousté que cent mil escus.

Quand aux aydes ie vous declare que vous renoncerez à boire du vin, ou vous payerez tous les ans a Feydeau deux fois autant qu'il rend de sa ferme, car il la prise avec ceste condition de vous tyranniser impunement sous la foy de ses Pistolles.

Nous leuerons au surplus tant de deniers sur vous, nous ferons expedier tant de Commissions extraordinaires, nous augmenterons le breuet de la Taille, nous vous ferons tant de creations d'offices inutiles, tant de Conseillers au Conseil d'Estat superflus, tant de nouveaux intendants de finâces, tant de Tresoriers de Pons & Chaussées, tant de Secretaires de la Chambre, nous vous traicterons si mal sur l'impost du sel, & sur toutes les fermes: Bref nous obligerons si bien a nous la Marechalle, & son Conseil, que vous detesterez les denonciateurs de la Chambre de Iustice.

Representez-vous, que Barbin est des no-

stres, & qu'il gouuernela Mareschalle (a qui il a fait plus toucher d'escus par ses tromperies que le feu sieur Darichy n'auoit fait de testons à ce qu'elle dit) il vous broüillera si auant dans les affaires d'Estat que vous ferez menace de bastonnades, si vous parlez pour le bien du seruice du Roy, vous ferez si auant escripts dans ses papiers que nous aurons raison de vous; nous nous en mocquerons a gorge ouuerte: Car nos Pistolles & nos inuentions nouuelles sont si fortes que nous nous sçauons tirer du plus profond des Enfers: Et en tirer Megere pour luy faire courre le monde & semer de la broüillerie dans les Estats, sans toutesfois vser des drogues des bons peres loyallistes.

Ne sçauiez-vous pas d'ailleurs que nous auõs les grands de l'Estat pour nous, le Conseil du Roy & la plus part des Cours Souueraines, vous l'auiez-veu au gros procez de Moisset ou cent hõmes de bien (autres que Finâciers) fussent morts & il en a esté absous, c'est pourquoy Messieurs amusez-vous a des affaires plus serieuses, vous estes enuoyez pour autre subject, & si la Royne eust creu que vous deussiez rebroüiller l'abolition qu'elle nous a faite accorder par le feu Roy, moyennant deux cens mil liures que nous baillames au Marquis Dâcres, & qu'apresent vous ayez enuie d'épêcher le simple que le Roy luy a accordé, elle ne nous eust iamais mandé: Et cela est cause qu'on ne fera point de Cheualliers des ordres, & quand vacquera quelque pensio, quelque Gouvernement, office, ou benefice, ce ne sera pas pour vo^{us}

mais

mais bien pour les amis & confidens du Seigneur Marechal tesmoins de tous cours, amions, & l'intendance pour laquelle la guerre a esté faicte, voire le gouuernement de Picardie qui a causé la disgrace de Monsieur de Ville-roy.

En quel estat croyes vous que soyent a present les affaires de France, en tresmauuais termes: & voyes vous pas bien que Lespargne est si pauvre & la bastille si espuisée qu'il faut courir aux emprunts: on a par consequant affaire de nous & de nos bourses, & estimez-vous qu'on nous face la guerre: ne le croyez pas: car si nous tourniõs le dos à la direction, elle seroit si bien renuersée quelle ne se restablirait iamais. Et le voyage de Bayonne seroit rompu sans nostre secours.

Les Thresoriers des parties casuelles ont aduancé quatre cens mil liures sur l'esperance du droit annuel, double cinquante mil sur les confirmations: On retransche en quartier des pensions des officiers, on veut mesmes reculer les rentes: Bref les aduis pour auoir de l'argët sont de saison, toutesfois ie vous aduise que de Verdon a esté maintenu en son party des Cayers & les offres d'un nommé Monlerax reijettées, bien qu'elles fussent plus grandes de cent cinquante mille liures.

O que le Duc de Sully est ayse, a present qu'il voit le mesnage de nos Messieurs, & qu'on les reclame tous les iours, il seroit bien nécessaire de le r'appeller, pour de nouueau remplir la Bastille, mais la direction ne le desire pas, car il

le boulleuerferoit incontinent en les quatre cinq six mil liures , de moins du mespris du monde , & les pensions du nouuel intendant quoy qu'en dit la Mareschalle.

Vos dissentions presagent du mal à la France, d'un mauuais euenement de vostre entreprinse , Chalanges avec les aduis qu'il baille vous apreste de la besongne : Voyla que c'est de luy auoir sauué la vie lors qu'il meritoit de la perdre, & d'auoir fait porter la peine de son delit au pauvre la Croix son compagnon , d'où pensez-vous que Montauban ayt appris les meschacetez qu'il sçait que de ses Commis payez, & Chalanges; Voyez l'histoire de sa vie dans la requeste que Gendron a présentée, il y a quelques moys à la Cour, & le plaidoyer que le Secrétaire Vordin a fait imprimer contre luy, & vous verrez merueilles.

C'est à la Paulette ou il nous faut attacher a présent que toutes les Cours conspirent contre vous, nous verrons là, vostre force ou vostre foiblesse, c'est au retranchement des pensions , à la descharge de la taille , a la reuocation de l'impot & charges mises sur le sel, a l'abolition de toutes leuées de deniers: A la suppression des offices, à la reformation de la iustice, bref ne dissimuler point le mal de l'Estar, n'en flatter point la maladie en proposer le remede & en demander la guerison & la santé.

Ne vous laissez point corrompre & embrassez ce qui est iuste & vtile, car vostre chambre de iustice ne vous apportera que de grandes charges, par ce que vous n'y scauriez establir

aucun Officier de qui nous n'acquerions la bonne volonté a coups de pistolles, & ne sçavez vous pas que le dernier des intendans que vous mettez en vostre chambre, est de nostre caballe, & que depuis trois iours pour eslargir vn Fermier de Languedoc detenu pour vne folle encherre, il a touché quatre cens pistolles ou en lettres de change, ou en argent, qu'il ne verifie aucun estat des generalitez de son département qu'il n'ayt le pot de vin du Receueur general pour passer des parties fourrées qu'il y employe, & que d'ailleurs il ayme de bon vin & les garces. O que c'est vn grand & puissant homme que le financier subtil & fin, & pour le pendre, Maistre Iean Guillaume n'est pas assez habille-homme.

Qu'avez-vous veu en vos iours Puger, du Tremblay, & Murat prisonniers, Lancy, Fabry, Colomp, Preuost, le Febure, du Candal & d'autres en fuite, Garraut pendu c'est tout: Or en la composition vous avez veu courre toute la bande, mais les seuls petits officiers ont payé la folle encherre & seuls en ont porté le fais, les Tresoriers generaux mesmes en ont esté, car on leur a fait payer six cens milliures, & le reste est allé en fumée.

Si vous sçauiez pourquoy Iuuigny & Beaufort vous en parlent, vous ne les escouteriez point, c'est par ce que nous n'auons plus vn Duc de Sully pour nous, la part qu'ils ont eüe aux deux cēs mille liures ordōnez aux denonciateurs qui auoient trahy leur maistre, & falsifié tant d'acquis & roolle, a esté trop petite

pour eux, ils en veulent manger encores, les deniers qui viennent sans main mettre sont si friands qu'il en faut auoir de quelque costé qu'ils viennent, & ie m'assure si nous leur en voulions bailles ils seroient nos meilleurs amis iusques au reuoir.

Scachez ie vous prie de Morant ce qu'il a fait pour le pauvre Iuuigny depuis la reuocation de vostre Chambre de Iustice, aucune chose qu'à tascher d'estre payé de ce qu'il luy auoit presté pour n'estre des complices, aussi ne l'auiez vous point veu sur le paué de Paris, crainte des Anglois qui sont aux barrieres, & a esté contrainct de s'enfuir en Normandie pour ne payer ses debtes.

Quand a Beaufort ce seroit vn iolly garçon s'il s'accommodoit avec nous, nous nous seruirions encor' de luy & si Rogais est mort, le le Febure, du Candal & cent autres vivent encores, qui ont affaire d'acquies des roolles & des ordonnances faulces, il y est fort expert: Mais c'est vn petit babillard, en la lague & foy duquel n'y a aucune assurance, & a le pouce de trop en la main il seroit des meilleurs ioueurs de dez, s'il n'auoit plus que quatre doigts.

En qu'elle estime croyez-vous qu'estoient anciennement les finances, on ne les tenoit qu'un fagotage de diuerses choses informes, mais apresent c'est vne science infuse dans l'ame des hommes de ce siecle, en laquelle nos predecesseurs n'ont iamais rien cognu, & de fait qu'on vous die quelles gens estoient ceux la qui s'en mesloient & qui les distribuoient,

des bons vieux refueurs, radoteurs, ſçauoir des voſin lieu & ſainct Bonnet pour intendants, des Ballon & Garraut Belle Affiſſe Treſoriers de l'Eſpaigne, qu'on nous moſtre qu'ils ayent gaigné en leurs charges les millions d'or n'y qu'ils ayent laiſſé a leurs heritiers des belles mailons & terres, comme font nos maiſtres a leurs ſucceſſeurs, ils s'y ſôt tous apauris: Mais a preſent nous auons fait cognoiſtre aux Preſidents, des Cours ſouueraines aux Maiſtres des Comptes & aux Aduocats du Palais, que c'eſt la Diuine ſcience & la ſcience des ſciēces, & n'ya pas iuſques aux lacquais, aux marmirons de Cuiline & aux Chauſſetiers qu'ils ne ſi ſoient fourrez.

Voyez le charme de cette ſcience, il eſt ſi fort, que Iuuigny voudroit bien en eſtre enſorcelé a la charge de ne faire iamais recherche contre ceux qui leur auroient baillé le fort: Car vous voyez qu'il nous propoſe vn ſuperintendant des finances, Gentil-homme de Maiſon & de merite, c'eſt a dire Sanſon de ſainct Germain qui a long temps regi vne Accademie en cette ville.

ſa modeſtie eſt digne de loüange, car il n'a oſé ſe nommer & s'eſt contenté d'exprimer ſes qualitez & merites: il a memoire qu'il a fait courir.

Noſtre direction ſeroit bien remplie ſi on y adiouſtoit c'eſt Eſcuyer, car pour le moings avec la houſſine le caueſſon & l'eſperon, il rengerait au debuoir les cheuaux eſchappez de la compagnie. C'eſt vne belle eſcolle que ceſte

direction, on ny allegue plus digeste ny code; comme on faisoit au Palais, point l'Ecriture sainte, on ny parle point de Dieu: Tout finances & finesses, & ny a pas iusques a ceux qui font des liures du mespris du monde qui si font le plus valoir, aussi vous voyez que nos faiseurs de memoires disent parlant d'eux qu'ils tirēt plus de quatre vingts six milliures par an, d'appointement & pensions, y compris tous les petis enfans qui sont à la mamelle qu'on fait employer dans les Estats du Roy, & pourquoy non, puis qu'ils sont les Conseillers du Controlle, qu'ils en ont la bonne grace? Et apres de croire que les gens facent contre nous qui les payons, ne le croyez pas, ils sont fidelles a tout fors à leur maistres qu'ils trahissent apres qu'ils les ont fait ce qu'ils font.

Ce sont les Isles fortunées, qui s'aproche de nous est incontinant, & pour iamais riche & opulent, la premiere qualité qu'ils prennent est de Conseiller d'Estat, leurs femmes Madame, l'autre est de Partisan, & de fait y a tel qui a mesprisé de clabauder au barreau pour s'encrer apres l'intendence, & y faire de l'entendu, solliciteur toutesfois des Partisans; Nous pourrions dire sans crainte que nostre bourse la fait ce qu'il est aussi bien que les autres, & que de douze ou quinze partis qui ont esté faits depuis la mort du feu Roy, il en a touché plus de trois cēs milliures outre la guailarde pēsion annuelle, nous le faisons courir, trotter & crier au Cōseil sur la Royne & à la Mareschalle tant que nous voulons, & immittant la statue de Memnon

nostre Soleil le fait parler, ie dis nostre Or nous rend sa presence fort belle, douce, amiable & remplie d'honesteté & de service, quoy que son naturel soit aussi fort superbe & rude que de son ignare & insolent clerc, & est sa vanité & ambition telle qu'il croit estre des-jà Chancelier de France, au moins sçay-ie bien qu'il fait ce qu'il peut pour y paruenir, mais il ne se rompra iamais la teste en ceste charge.

O qu'il est bien d'humeur contraire a vn lourdaud estourdy qui ne nous escoute que par humeur & ne parle que par boutade, il vent de bon papier & faute de ce nous ruine par radiations en nos Estats & par souffrances: endiable qui ne voit ny veut cognoistre nostre croix (aussi n'est-il point Catholique) ny autre metal que celuy que le Roy luy donne, aussi nous le fuions cōme peste des Financiers: Ses Commis font mieux que luy ils prennent fort bien nos pistolles, mais pour cela ils ne font rien pour nous, car ce maistre ne veut croire a nostre Euangile.

Il reproche aux Tresoriers de l'Espagne leurs larcins, & dit qu'il est impossible de viure en homme de bien, & auoir gaigné douze cens mil escus en sa charge, (comme il se voit en deux qui ont cela vaillant, il nomme les deportemens de telles gens, volleries, pour le triannual il ne va pas du pair avec les autres, mais il c'est reconnu de valoir moins que tous eux, aussi est-il plus que les autres deux, car il est des Gentils-hommes ordinaires de Pillate.

Les Tresoriers de l'ordinaire & de l'extraor;

dinaire, sont tous fauceres à ce qu'il dit, & de fait leurs comptes ne sont remplis d'autre chose, que de faux roolles & acquits, & moy qui parle à vous, ie vous assure que iay veu en l'année 1609. ou 1610. Collon & Fabry l'un à l'enuy de l'autre, lors qu'ils faisoient veriffier leur Estar à l'Arcenal, auoir baillé mil pistolles à celui qui y trauailloit pour passer des taxations & des regiments qui ne furent iamais au mode.

Quand aux Tresoriers des Lignes, quoy que ses parens il les nomme volleurs, & de fait si la recherche qui auoit esté commencée du viuant de feu Monseigneur le Comte de Soissons eust eu lieu, la France en seroit plus riche, ou du moins quitte enuers les Suisses de plus de huit cens mil escus.

Que pensez-vous qu'on die de Lancy, iadis Tailleur d'habits de feu Monsieur le Cheualier Daumalle, & Demoisset cy deuant Marmiton, Lacquay, & depuis Tailleur de feu Monsieur de la Guelle Procureur General en la Cour de Parlement, que ce sont honnestes gens de leur mestier, quand a Morant il est sans enuie, par ce qu'il est fort officieux, & bref nostre caballe ne peut estre esbranlée qu'auons bien de la peine.

Ie vous diray d'auantage que du temps de nos feux Roys, tout estoit saint, par ce qu'on n'admettoit aux charges que des personnes de merite & de qualité, excepté le sieur de Buffi contre lequel Monsieur Seruin harangua plusieurs fois au Parlement: Mais depuis que ceste race Maletrice a mis le neds dans vostre Con-

toir, nous auons appris a raturer le parchemin, a l'aer le papier, a contrefaire l'escriture, a falcifier les signatures, a suposer des hommes, a falcifier, & a rognier les especes, & a voller & brigander ceux qui ont a faire a nous.

Dequoy seruoit à ce faiseur de memoires de parler du President Gobelin, il n'est plus comptable, & l'abolition couure ses crimes passez, n'est-ce pas offencer vn homme qualifié, qui ne pense qu'à conseruer sa bonne fortune & a s'enfeuelir dans ses trefors.

Pourquoy blasme on le gendre de Garraut: son beaupere n'est plus comptable & puis il a esté purgé par Arrest de la Chambre de Iustice, qui la condamné a estre pendu & estranglé.

Quanda du Gué, il n'est plus avec son Maître Habert, & d'ailleurs Beaufort ne peut ignorer que ledit Habert ne soit des partisans de la Chambre d'Iniustice sous le nom de Niuelle & qu'il n'ayt poursuiuy de nous faire tous pendre, tant il est fidelle a ses Confreres, s'estant ietté parmy ceste quanaille, pour sçauoir le secret de l'escole, & profiter de nostre perte.

Or Messieurs si vous sçauiez la raison pourquoy nostre faiseur de memoires crie contre les partisans, sans les nommer, vous n'en feriez gueres de compte, c'est qu'ayant proposé le rachat vniuersel du domaine apres la reuocatio de la Chambre de Iustice, il s'est trouué si court en ses supputations, qu'il n'a peu faire compagnie, car nous ayant assemblé par diuerses fois en son logis, & descouuert le secret de sa pro-

position, nous nous mocquâmes de luy, de sa vanité, & de sa folie, & voyant qu'il ne pouvoit duper les Financiers, pour en auoir de l'argent, n'y esperer aucun desd'omagement sur ses offres, il iura d'escire cōtre nous, & faire faire renouueler la Chambre de Iustice à la premiere tenuë des Estats.

Il crie donc contre les partis, parce qu'il n'en a peu estre, & contre les desd'omagements par ce qu'il n'en a peu auoir, car si feu Paulet, si Moisset, si Barbin, Fedeau, Durier & autres l'eussent associé aux desd'omagements qui leur ont esté accordez; Mesmes Barbin des cinq cens soixante mil liures des parties casuelles, il ne le seust iamais compris dans ses memoires.

Au surplus ce qu'il a dit touchant lesdits partis est fort veritable, mais il n'en sçait pas beaucoup par ce que le pauvre homme ne s'est pas beaucoup meslé d'affaires s'estant contenté de planter des choux en Normandie, & quand vous en demãderez la reuisiō ou la renocation ie n'é ferois pas marry pourueu que vous laissez celuy des Aydes & des debets des quittances ou i'ay grand interest.

Mais oyez ie vous prie nos faiseurs de memoires: *Les maluersations disent-ils commises & consenties par les Ministres & Officiers des Finances &c.* Tout beau Messieurs vous attaquez le Conseil du Roy & toutes veritez ne sont pas bonnes a dire en ce siecle.

Vous les accusez des volleries que nous faisons, car qu'est-ce a dire, les consentir, sinon les permettre, les autoriser & y participer? Hola

Causeur, ne sçauéz-vous pas que c'est vne grã-
de impieté, & Iniustice extreme de s'attaquer
aux Dieux? & que faites-vous? aquoy pensez-
vous: Vous n'estes pas sages, car si bien nous ne
pouuons voller impunement que sous l'ad-
ueu des lettres patantes, Arrest du Conseil, or-
donnances, acquits patans & sur le Roolle de
la sepmaine, que nos Directeurs arrestent, tou-
tesfois c'est penetrer trop auant dans les affai-
res d'Estat, & si vous continuez ie crains que
vous n'espargnez pas mesmela Chancelle-
rie, car nous en sommes aussi bien.

Après les guerres d'Espagne c'est à dire les
dernieres de la Ligue, le feu Roy trouua bon
de se seruir du Duc de Sully, qui n'estoit lors
que Rosny seulemēt, nous ne le cognoissions
point encores, car il auoit eu fort peu de nom
dans la France. & durant ces premieres années
& sa superintendence il nous traicta si mal à
Poictiers, à Limoges, & par tout ailleurs, que
nous eussions desiré qu'il n'eust iamais veu le
Soleil, d'autant qu'il ne pouuoit comprendre
nostre jargon, tant il y auoit l'esprit lourd, n'y
nous approuuer ses rudesses, par ce que nous
sortions de la douceur de feu Monsieur de Do,
pour entrer en la barbarie de ce nouueau ve-
nu: Nous tastames deslors tous les endrois de
son ame, & nous souuenant que le Serpēt ten-
ta la femme, & la femme feist pecher l'hom-
me, nous fismes nos oblations a ceste nouuel-
le Eue: Ce qui nous succeda si bien que nous
commençames a broüiller par tout, faire affaire
tantost par l'adresse d'un beau fraisé, puis par la

voye d'un Tresorier, apres d'un Medecin bor-
gne, par fois d'un Secretaire, la guerre de Sa-
uoye vint, le voyage de Poictiers suivit, celuy
de Mets dont nous auons l'obligation a Mon-
sieur d'Espernon, & apres celuy de Limoges,
puis la guerre de Sedan, en fin celle de Cleues
qui nous a esté fort bonne.

Depuis ce temps nous fismes les partis de
faize années pour le domaine & rentes, nous
eûmes les pensions sur les fermes, les parties
casuelles, la Paulette & les contans, nous fai-
sions noter l'ordonnance, les Arrests ne nous
manquoient iamais, tousiours taxation, port &
voiture de deniers, bref tout estoit occupé ius-
ques à Ruuigny, la marchade, fille de cham-
bre, les Maistre d'Hostel, & Lacquais, voire le
Suisse parloit des finances à l'Arcenal.

Mais c'estoit vn siecle d'or car nous n'auions
a parler qu'à vn seul, luy constant, tout estoit
bien paisible le Roy tresdignement seruy l'Es-
pargne abondante, point de crierie, & d'un sol
que nous gagnons, il nous en restoit tousiours
trois liars: apresent, c'est vn siecle de cire, & si
elle nous est bié fort chere, nous auõs d'ailleurs
le contr'olle, l'intédence, & la direction a con-
tenter apres il faut auoir la bonne grace des
Croisez de Malthe, auoir de l'ancre pour escri-
re, & l'ancre encores pour arrester nostre vais-
seau à bõ port, adioustons y aussi le venerable
Flecelles qui est de tous escots, vous trouuerez
qu'il ne nous reste aucune chose, & si pour
tout cela ne laissons pas de voller & y conti-
nuerons encore (Dieu aydant) quand mes-

mes vous reſtabliriez la Chambre de Juſtice.

La guerre de Cleues enſla le ventre de Fabry & guarit Couloup de la pierre, celles des Princes, avec les voyages, de Poictiers & de Bretagne à merueilleuſement authoriſé le Compagnon del'Extraordinaire, & le voyage de Bayonne qu'on prepare couronnera l'œuure, outre que ce deſcry des monnoyes nous vient bien à propos, car Charron a fait croire qu'il auoit pris des piſtolles à ſept liures dix-huiſt ſols, & qu'il ne les pouuoit paſſer qu'à ſept liures quatre, Ligny d'autre coſté a crié que les ſoixante mil liures qu'il deuoit porter à l'Eſpagne eſtoient en or, & qu'il n'eſtoit raiſonnable, que le deſchet vint ſur vn homme de bien de ſa profeſſion.

Combien penſez-vous que nous auons employé de Paſſeuolans, combien d'hommes morts, trente ans ſont & plus, & toutesfois qui ſignent encore a preſant? Combien de piſtolles fauces qui paſſent pour bonnes: Mais ie ſuis bien ſimple de vous deſcouvrir noſtre ſecret & ſi pour tout cela, vous ne m'accordez nom plus de droit d'aduſ que fait Monsieur le Preſident Ianin à ceux qui luy propoſent des affaires pour le Roy.

Si i'auois donné ſur les Aydes & fait vne enchere de trois ou quatre cens mil liures, pour m'en deſdire, n'aurois-je pas bien toſt ſoixante mil liures par acquit patent comme Lenguerne? Si ſur les parties caſuelles, ie ſerois deſchargé de ſix cens mil liures, comme Barbin, encore

que i'eusse gaigné sur mes deux années, si sur la Nauarre, i'aurois cent mil frans d'un costé, comme Moisset, & soixante milliures d'autre bailleza Rocheportail, si sur le sel on me deschargeroit de mon cōtract pour ruiner le pau-Goudy, Bref si i'estois porteur de hotte ie gaignerois quelque chose ou serois deschargé du prix de ma ferme, mais par ce que ie suis Financier & que ie ne suis point de la direction, vous ne me donnerez rien aussi ie ne vous en diray point danantage.

On vous dit, que les indulgentes abolitions sont preiudiciales que cela force Messieurs les denontiateurs de vous faire voir les abus des Financiers & vous supplier de faire instâce pour y pouruoir: & quoy Messieurs voudriez vous retrancher au Royle pouuoir de faire misericorde, ne le faites pas, vous n'y gagneriez rien car la Majesté sur la demande d'impunité de tous nos forfaits a renuoyé nostre placet en son Conseil pour luy en bailler aduis & apres nous y pourueoir, & esperons que nous en aurons contentement.

Ie serois à la verité bien aise d'un bon Reglement pourueu qu'il soit aussi bien gardé, que sont ceux du Conseil de la Majesté: Mais nous vous empescherons bien, puis vous ne le pouuez que par l'establissement de la Chambre de Iustice, & dittes moy ie vous prie, ou vous la trouuerez, car les François l'ont bannie de c'est Estat depuis la derniere composition, & de l'aller chercher, ie vous respōds qu'il n'y a aucun Financier qui en voulust faire la

despenſe, pour en eſtabliſ vne d'iniuſtice & d'impunité : ie ſçay de mes cōfreres, qui baille-
ront touſiours mil piſtolles par aduance: Com-
bien penſez vous que les Receueurs de la ville
depoffedez par Moiffet, baillerōt pour n'eſtre
plus recherchez, encor' qu'ils ayent perdu
leurs offices, ie ne le vous ſçautois dire au vray,
mais Moruille & ſainct Iullien payeront touſ-
iours trois ſols & quatre pour leur part ie le
ſçay bien.

Toutesſois pourueu que voſtre plainte &
voſtre pourſuitte ne s'eſtēde point contre les
petits Fināciers comme moy, mais ſeulement
contre les gros millours, ie vous laiſſeray faire
ſans y former oppoſition, car ie ne vis qu'à mes
fins: Auſſi on nous a deſia tant taxez & grabe-
lez que nous n'en pouuons plus, les ſeuls Fi-
nanciers de la Cotir qui vollent tout, s'exem-
ptent de tout, & nous portons la peine de leurs
fautes.

Mais que veulent dire ces beaux Denoncia-
teurs donneurs d'aduis, *Qu'il eſt eſpouuentable
de voir des gens venus en vne nuit poſſeder les
plus belles terres du Royaume*, ie n'en cognois
point qui ne ſoient nays en plain iour & pour
moy ie ſçay bien qu'à vne heure apres midy, ie
ſortis du ventre de ma mere.

I'ay bien autreſois ouy dire que nos gros vol-
leurs, auoient eſté de fort malotrus artiſans,
teſmoing du Candal & autres comprins dans
la Genealogie que Beaufort a faite des Finan-
ciers & qu'apreſent toutesſois ils ſont fort ri-
ches, ſi c'eſt cela naiſtre de nuit ie leur don-

ne a gaigner car il est vray qu'ils sont si riches qu'ils ne sçauent ce qu'ils ont, ils possèdent la la terre, courent la mer, disposent du feu & attendent d'auoir l'air paisible.

Il faut que ie m'explique la dessus (comme fesoit Porchere sur le Sonnet de feu la Marquise de Beaufort) ie veux donc dire que nos Financiers possédēt vne bonne partie de la France en maisons Royales & biē garnies en rente & terres si nobles que si le Roy ne prend garde à luy, il en releuera quelque iour: Car on prendra droit sur son Louure ne feust-ce que Maistre Iean de Moisset qui veut joindre Ruel a saint Germain si Monsieur de saint Denys ne l'empesche.

Courent la mer, il est vray, & qui ignore les grands trafficqs des Tresoriers de l'espargne, mesme du costé des sables Daulonne & le seigneur Moisset n'a il pas dressé vne armée nauale sous la conduite de Beaulieu.

Disposent du feu, tesmoing les pistolles fauces qu'ils debitent & les feux qu'ils sement dans l'Estar.

Mais quand à l'ayr ils ne le peuuent encor gouter car n'ya pas vn deux qui veuille boire avec Iean Guillaume, c'est pourquoy on a tort de leur reprocher qu'ils sont venus en vne nuit, il eust bien esté meilleur de dire qu'ils cherchent la nuit & courent pour euitier la Chambre de Iustice.

Et quoy? y voudroit on comprendre le premier Commis qui a ioué tout son bien en vne nuit, certes on auroit tort de luy reprocher

cher son opulence, puis qu'il est sans office, sans maison & sans credit, & si ses beaufreres luy tournoient le dos, a Dieu mon maistre, il est nay en plain iour, celuy-là ouy ie vous en assure.

Ie ne parle point de mes compatriotes normans qui me font par fois boire du Cytre, ie les referue a Beaufort, ils sont honnestes gens, & estans bien payés, ils font plaisir aux compagnons: non pas si noblemens que faisoit Zamet qui prestoit aux Courtisans sans vsure, & en galand homme, ceux cyle font en Financiers, c'est a dire, soubz bonne assurance & moyennant cent pour cent.

Il est bien vray que i'ay vn petit a me plaindre d'eux, qu'ils me vollent vn quartier de mes gaiges & de mes pensions aussi (car ie suis pensionnaire) & me payent fort mal, du reste encor qu'en la derniere recherche de l'an mil six cens sept, ils m'eussent promis toute faueur, mais parce que les plaintes des particuliers ne sont point receuës en vostre assemblee, & que vous aués iuré, lors de la procession generale, de ne faire iustice a aucun particulier, ie ne vous presenteray point ma requeste, & ayme mieux courre le Rethelois avec vn capuchon vert & iaulne, comme maistre Paul le Ian, sieur du Vertan, que courre le hazard d'estre rebuté.

Et bien par l'aduis de ses denonciateurs, vous demandés vne chambre fixe & permanente, & ne sçaués vous pas bien que vous estes a Paris, outout branle & remue, & que ce qui est bon

vn iour, ne l'est plus lautre s'il ne bransle tous-
iours: quand ceste chambre seroit composée
des pierres du Louure, de celles des Thuilleries,
de Larcenac, des tours nostre Dame, voire de
tout Paris encor bransleroit elle, & ne seroit
pas asseuree quoy le Financier qui croyez
vous qu'il soit? il est si puissant qu'il est par tout
ou le Soleil entre.

Ce que ie trouue de meilleure grace est le
chois que vous faitres des Iuges, ie dits qu'on
veult que vous en faciez car ceux qui en ont
esté si deuant ne s'en mesleront plus: & pleust
à Dieu qu'ilz en fussent, nous n'aurions guere
de fortune a courre, tout y est pour nous
(Monsieur magot hors) despartez duquel Dieu
nous garde, Puget en diroit bien des nouuelles
s'il nous vouloit raconter son interrogatoire sur
les faultes & exetraction, & Placin qui depuis
a fait gilles nous en diroit quelque chose.

Aussi est il assés empesché a la reuision des
comptes de la maison de Monsieur l'Esleu de
ville, & que pensez vous ie plainsle pauvre
Secretaire iadis Intendant de ceste maison, &
son beau frere qu'on accuse de vol de cent mil
escus d'argent d'Espaigne! O bon Dieu ilz sont
biens fins, mais ceste longue robe les tient par
l'oreille.

Toutesfois j'ay ouy dire que ceux que vous
proposés au Roy ne nous feront point de mal,
n'y de deplaisir, car nous auons de belles filles,
& ieunes que nous marirons avec les enfans de
ces nouveaux Iuges & baillerons des pistolles
a ceux qui n'en ont gueres, sur tout nous vous

prions de nous y dōner d'honnestes bourgeois
du change qui entendent bien le numero &
le prix.

De supplier sa Majesté comme on vous per-
suade de ne bailler aucune abolition, ce seroit
estre impie car sur vous sçauiez bien qu'elle n'o-
feroit dire son Pater en saine consciēce, & sans
offencer si l ne pardonne à ceux qui l'offen-
cent, encor que le Pere Cotton le luy promet
de la part de leur general qui a pouuoir de dis-
penser de tout voire iusques de bien faire,
moyennant la gaillarde recompense qu'il nom-
me aumosne pour la sainte societé.

Messieurs messieurs des estats excusés le bon
homme & pardon aux financiers pour Dieu:
ils sont fort honnestes gens, ont bonne mi-
ne, sont richement couuerts portent bien per-
ruques, leur barbe est bien faicte, leur fraise
gaudronnées, leurs rabats bien tirez, ce seroit
trop grand dommaige de les pendre, ils ont
des pistolles de mise & quand il vous plaira ils
vous bailleront vn plat de leur mestier.

Se ne sont point crocheteurs qui vous en priēt
car il ne leur sçauroit eschoir pjs, ce sont d'hon-
nestes Tailleurs nobles Chauffetiers, honora-
bles Lacquais, & autres Gētil-hōmes musniers
Financiers: & pour nous petits Receueurs des
tailles, si vous nous promettez de ne nous con-
prēdre point au party, nous vous permettrons
toute recherche, encor qu'elle fust contre
Maistre Louys Arnault apresent Tresorier des
Ponts & Chausses & payeur des bouës de Pa-
ris moyennant trois cens mil liures au profit de

qui vous scauez. aussi, a il voulu estre Thresorier de l'espargne, au lieu de Puget, pour sept cens mil liures, & a couru la hart, ie dis le hazard de l'estre, n'estoit l'enchere que Almeras & Habert, y ont faicte iusques a neuf cens mil liures, a la charge du mariage dont vous auez ouy parler.

A la verité, cette nostre poursuite & l'instance que vous ont faictes, nous faict peur, il n'en faut point mentir : si vous auez peu dire aux Officiers souuerains, que vous ne les recognoissiez point, & que vous les voulés reformer, que deuous nous croire de nous qui sommes subalternes, & n'estoit que ie suis asséuré de retraicte dans la ville de Sedan, & Charles Ville, ou l'authorité du Roy n'est point encor cogneuë, ny les arrests du Parlement en vigueur, ie serois comme les autres : pourquoy croyés vous que le general Laubespine ayt pris l'espée : que le general Arnaut soit Capitaine : & le fils de Montecost Gentil-homme, si ce n'est pour nous deffendre ? il est vray qu'il a mal succedé a celluy cy, & s'il eust toujours esté Financier, Jean Guillaume ne l'eust osé regarder, au lieu qu'a present il fait la moue en gréue, & est vne table d'attente pour ses confreres,

Nostre faiseur de memoire a ouy parler autresfois des affaires, car il vous dit vray, sont les assignations de l'espargne, & sur le profit que feront les Thresoriers des pensions, mais il en faut remercier Madame la Duchesse future de qui en a touché les deniers, aussi bien que

des Secretaires de la Chambre du Roy, & des Thresoriers des Ponts & Chaussées, au preiudice de ceux qui luy en ont baillé l'aduis, me voulés vous croire, prenés ce faiseur d'offres au mot, vous ferés seruice agreable au public. & vous verrés que ce n'est qu'un conteur sans gettons, non plus fidelle a son calcul, que ceux qui ont mesprisé le rachapt de trente millions du Secrétaire de la Royne Marguerite, pour la faire trouuer rediculle & sans fondement, par ce qu'il descouuroit trop le haut mystere, empeschant la recherche des Contes de Porant, & de Here miraculeusement ressuscité, & qui ont faict reietter le party des partis, & vous trouuerés que ce Gentil-homme Financier vous fera bien tost cession de biens. si vous le poursuiué a tenir son office, s'il ne baille, des pistoles, pour en estre releué par lettres du grand seau, ou par arrest du conseil, ou par vn respit du propre mouuement & plaine puissance, en quoy il aura plus de fortune qu'en la folle enchere, qu'il paya l'an mil six cens cinq, pour n'auoir accomply ce qu'il auoit proposé sur les aydes & sur le seel, & depuis ce temps nous le pouuons appeller l'honneur du conseil, car c'est luy qui a baillé les grosses chesnes d'or que les Huissiers portent a present.

Ie suis de l'aduis de nostre denonciateur, Messieurs, faites regir l'espargne, les parties casuelles, & les autres grandes charges par commission, ie sçay vn fond pour rembourser les pourueus, lequel ie vous diray, pourueu que vous bailliez l'espargne, ou l'extraordinaire à

Beaufort , & les autres charges a ses compagnons mesmes, le controolle, puis que Monsieur le President lanin ne le veult plus tenir, ou ne le peut, s'il ne Controolle tout ce que luy sera commandé par la Marquise, mais en ce qu'on vous propose d'establir des Controolleurs, & les rendre responsables desdits Commis ie vous declare des a present que ie n'en veux point, ny en don, ny par Finance, & si vous m'en pressez par trop ie sortiray de Frâce, ie n'ayme point les reglements du Chancelier de l'hospital, il n'est pas de l'annee mil six cens quatorze, ie vous en assure, c'est pourquoy ie vous en remercie de bon cœur, peut estre en trouuerres vous d'autres qui ne sont pas si delicats que moy, mais ie ne scaurois qu'y faire, j'ay leu l'escripture sainte, & la legende des saints, ie refuse les charges par ce que ie n'en peux auoir.

On nous dit que vous voulés que nous bail lions nos biens par declaration, auant qu'estre Officiers: Pourquoy cela? nous n'en ferons rien, car il n'est pas iuste que vous sachiez le secret des familles, si vous n'establissez le Greffe des nantissements que Estienne vous propose, si vous ne faites ce que des Noyers, Saint Martin vous dict, ou si ne nous permettez de retirer apres du Greffe, de la Chambre sera comptez nostre declaration, comme a fait Monsieur de Sully, & nous le desirerons par l'Edict, encor qu'il ne soit verifié, car nous croyons que ce qui est par nous resolu, ne doibt estre subiect a aucune verificalion.

sion de Court, dequoy vous devez faire vostre proffit, autrement nous aurons des personnes supposees tant & plus, nos femmes seront separees, & nous deburons plus que nous n'aurons vaillant, combien pensez vous que le President Gobelin & aultres confreres, ont fait d'acquisitions sous des noms supposez, depuis la Chambre de iustice, ie ne les vous scaurois dire, tant le nombre est grand, le Duc du Sully y auoit bien pourueu, car pour les deniers du Roy, il auoit fait reuoker toutes separations de biens & ventes faites, & ordonné la preference a sa Majesté. C'estoit vn braue homme qui scauoit nous brider quand il le vouloit faire, mais nous auons fait supprimer cet arrest la, & le faisons trouuer iniuste.

Ca que ie rie avec vous, de ceux qui veulent qu'on nous face lire les ordonnances, auant estre receuës en nos offices, qu'elles soient affichees & que les Huissiers de la Chambre les cryent, & croit on que nous en facions mieux nos charges: & pour cela nous en soyons plus gens de bien, ne le croyés pas, nous scauons plus de bien que nous n'en voulons faire, si Beaufort ne scayt autre finesse qu'il se retire, car iusques la il ne dit rien qui vaille, non plus que des promesses en blanc, que tout le monde scait n'estre plus en usage depuis que Monsieur le premier President l'eust deffendu en faueur de son nepueu.

Bestise de dire qu'il faut acquitter les charges des generalitez des deniers qui si leuent, auant que les transporter ailleurs, e'est ce que nous faisons: mais cela n'empeschera pas nos

griuelles : car les assignez sur nous sont contraincts de composer de leurs assignations , ou s'en retournent a vuide : Monsieur de Sully auoit mieux rencontré, par ce qu'il faisoit tout payer a l'espargne, fors les charges ordinaires, mais Beaufort n'entend pas cela.

Et quoy. Veut on deffendre les contans : Si vous en parlez, ie m'en vay plaindre a Madame la Marquise, car comment est ce que nous courirons nos griuellées, & elle les grands deniers qu'elle tire sous le nom de leurs Maistrez: Pensez y bien Messieurs, ceste affaire est aussi importante pour nous, que la Paulette, & que pour le bien de l'estat, est ceste Loy que vous voulés estre establie comme fondamentale, touchant la sacrée personne des Roys, encor que le Clergé si oppose, & que Messieurs les Cardinaux menacent de nous excommunier, si nous ne croyons que le Pape ne peut déposer nos Roys, dequoy nous ne nous soucierons guieres, puis que Monsieur a promis de nous faire recevoir en nostre appel comme d'abus.

La suppression des offices mesmes des Thresoriers generaux, nous est aussi indifferente, que celle des Esleus & Recepueurs des Tailles, qu'on vous propose, car tant plus de bon reuiendra au Roy, tant mieux nous y ferons nos affaires, mais ces Messieurs ne vous diënt pas le moyen qu'ils ont de les rembourser, car de vous attendre a la Chambre de iustice, ou en la reuente qu'on veut faire des Offices, ie ne vous le conseille point, vous en sçaués les raisons

raisons non moins importantes que celles qu'on tr'appellé Monsieur de Villeroy.

Crions a present contre le faiseur de memoire, declarons le criminel de lèse Maieité, puis qu'il propose de moderer ou d'abolir les dons, pensions & recompenses, car c'est faire perdre a la Maieité le nom de Roy, de bon, & de Pere du peuple, si on veut qu'il ne face plus aucun don: pour mon particulier, i'en serois bien fasché, par ce que ie perdrois les mil francs que Monsieur le Marechal me donne, comme cousin, & d'ailleurs ie m'attends à la confiscation d'un Financier, pour faire fortune, avec vostre permission, outre que i'ay part au droict d'aduis, de tous les deniers qu'il plaira a la Royne, accorder cy apres a Madamelà Marechalle, si vous ne pouruoyez a ce qu'il ne luy en soit plus baillé, ce que ie croys qu'il vous sera bien difficile, a present qu'on parle d'alliance avec Monsieur Despernon, a la charge de le faire Conestable, & de huit cens mil escus de mariage.

Mais par ma foy, vous estes d'estranges gens, de parler contre la direction, pour faire establir vn Conseil des princes, car comme la premiere vous estoit vtile & necessaire, la derniere vous est nuisible, d'autant que procedant a la reformation, il n'y a plus de moyen de parler de recompense, & le bon pere de dommagement est mort pour nous, toutesfois ie croy que nous ferons bien tost cognoissance, car on nous dict que partie de nos bons amis, de la premiere direction, y sont introduicts

mesmes les intendâts, a la charge qu'ils y seront debout, & teste nuë, on y deuoit adiouster à genoux, pour leur faire faire amende honorable, mais la Roine est misericordieuse, or messieurs, raillerie a part, il faut que ie vous dye quelque toute chose d'importance, & qui nous touche, c'est que la Frâce ne peut esperer aucune reformation des desordres qui l'opprimer, ny se promettre vne fin heureuse, del'entreprinse de vostre assemblée, si routes vos propositions & vos desirs ne sont reglés par le seruice de Dieu, par celuy du Roy, & par le bien du peuple, afin que ces trois ioints ensemble, fassent refflorir les lys de ceste Couronne (ternis depuis tant d'annees) & rendent les François admirables & redoutables a la posterité.

Mais comme il est impossible d'y paruenir si le Conseil de nostre grand Roy, n'est composé des personnes qui ayent les mesmes inclinations & volontés, la chose que vous deués faire auant toute œuure, c'est de composer ce conseil, & pour iceluy proposer a sa Maiesté a la Roine sa mere, & a Messeigneurs les Princes des personnes dont la probité soit cogneuë, & bons François.

Car on ne peut establir le seruice de Dieu qui consiste en Vnion de creance, ny celuy du Roy, qui gist en vnion de volontés, ny du bien du peuple, qui est la paix & le retranchement des abus qui sont dans l'estat, tant que nous aurons vn conseil composé d'estrangers, des mauuais François, gens qui sement la zizanie, entre les deux Religions, & qui n'aspirent qu'a

leur reſtaſſement & grandeur, & a faire leur fortune dans nos confuſions : car ils peuuent trahir l'eſtat, ne ſi paſſant aucune choſe que par leur volonté, vendre la iuſtice, & ruiner les Finances, puis qu'ils eſtabliſſent & depôſſèdent, qui bon leur ſemble, tellement qu'il ſeroit tres-pernicieux de confier a leur conduire, les ſecrets de noſtre Couronne : ſeroit pure folie d'attendre la reformation de iuſtice, de ceux qui ont introduict le vice, & la corruption : & ne ſe doit on promettre que ceux qui par vne infinité de meſchancetez, ont faiſt leurs maiſons des plus riches de France, qui poſſèdent toutes les grandes charges, qui eſtabliſſent l'auarice & la tyrannie dans les Cours ſouueraines, diſſipent les deniers de la Baſtille, & de l'eſpargne, bref qui mettent tout en party a leur profit, puiſſent entendre a vne ſaincte reformation.

La ruyne du peuple, eſt leur ſeul deſir, & leur ſalut. Ceſt pourquoy leur Cour n'eſt r'ëplie que de ſanſuës, & peſtes publiques, de coyons, & de partiſans auxquels ſeuls ils conferent leurs graces : Eſtabliſſez donc vn bon conſeil, Dieu ſera ſeruy, le Roy reſpecté, & le peuple ſoulagé: pour y paruenir, il faut reduire les affaires au poinct qu'elles eſtoient du viuant du feu Roy, continuer la paix entre les deux Religions, aſin qu'on viue en bonne volonté & intelligence, le ſeruice de Dieu ſoit célébré librement & en toute liberté de conſcience, iuſques a ce qu'il plaiſe a la diuine Maieſté, nous enuoyer la deſſus, le ſecours que les hom-

mesignorent.

Bannir des conseils de sa Majesté, ce nombre esfrené de Conseilliers nouvellement faicts : les regler au nombre ou le Duc de Sully les auoit mis, en chasser les maistres des Requestes, & leur chiquanerye, ne cognoistre d'aucune chose qui ne soit digne de l'autorité de ce conseil, & y traicter tout sommairement.

Abbolir les pernicieuses consignations desdits maistres des Requestes, r'enuoyer aux Parlements, ou au grand conseil, la cognoissance deseuocations.

Retrancher ceste grandeliberté du sceau, & puissance absolue, faire rendre iustice aux subiects du Roy, des opressions qu'ils souffrent par les chefs de la Iustice.

Regler le conseil pour les finances, reestabli le Duc de Sully en sa charge, continuer le President Ianin au controlle, r'enuoyer les Intendants, & en prendre d'autres dans la Chambre des Comptes pour y seruir a tour de Roolle, ne traitter plus audit Conseil, que le reuenu & la despence de l'Estat & les debtes.

Vous deuez demander & vous opiniastrer, a ce que la Paulette soit rompuë, puis qu'elle est la ruyne de l'estat, & qui nous mettra en eternelle desolation s'il n'y est remedié, les offices venant a vacquer par mort soiét supprimés, Ne aucune creation nouvelle soit faicte, & ce qui a esté faict depuis la mort du Roy soit reuocé.

Que les gaiges des Financiers soient reduicts au denier seize, prix commun des rentes.

Qu'aucun estranger ne puisse tenir charges,

office ne benefice en France, & ceux qui en ont ayent a les quitter dans trois mois, autrement qu'ils soient declarez vaccans.

Que les comptes de l'espargne soient reueus, & soit rendu compte des deniers de la Bastille, tous partis reuoqués, & les partisans contraincts de compter, & que ceux que depuis la mort dudit feu Roy, ont manié ou ordonné des finances, ayant aussi a compter, encor qu'ils soient a present du Conseil, dont l'entree leur sera interdite.

Que les impositions extraordinaires soient recognees, la taille diminuee, aucun subside mis sus, n'y aucune guerre entreprise sans les consentemens des Estats, les pensions retranchées a ce qu'elles estoient du viuant du feu Roy, les deniers des donations immenses repetés,

Que ce monstre d'ignorance & de tyrannye d'Aduocats au conseil priué soit extirpé, vingt des plus entiers retenus, entre lesquels seront les officiers des Requestes & de la Preuosté de l'hostel, & que cy apres ny soient admis que personnes capables, & de maison sans en faire des parties casuelles.

Faiçtes regler leurs salaires, ceux des Greffiers aussi, & leur Commis, & moderer les emoluments du sceau, & les taxes remises comme elles estoient anciennement

Que ledit faict pendant la minorité du Roy, pour oster les Greffes des Domaine pour les apropriera Barbin, soit reuoqué comme pernicieux & preiudiciable a l'Estat, & procedé

contre ceux qui l'ont proposé , comme criminels de lèse Maieité.

Roidissez vous a ce que les gratifications & desdommagements exigés depuis la mort du feu Roy soient repetés : le prix des fermes de sa Majesté , payé suyuant les adiudications sans aucune diminution , si elle n'est conforme aux anciennes ordonnances : & pour ce, la descharge faite a Robin pour le sel , a Barbin pour les parties casuelles , a Masparraut pour les cinq grosses fermes, a Martin, pour le Domaine de Nauarre, & autres partisans , soient repetés & eux contrainsts d'executer leurs baulx.

Que les encheres cy deuant faictes sur les aydes par longueraye & colle , soyent receuës & procedé contre ceux qui les ont rejettees pour del'argent.

Que l'Edit nouuellement fait des Secretaires de la Chambre du Roy , celuy des Thresoriers des pensions , & premiers Commis à lespargne, ensemble celuy des Thresoriers provinciaux des Ponts & Chaussées soient reuocqués , puis que les deniers en viennent à la Marquise , & que la creation en est iniuste , & a charge au peuple.

Les parties casuelles & Officiers d'icelles, supprimés ensemble tous les Offices vaquants par mort : & pour ceux qui ne sont subiects a suppression seront deliurés pour le prix de la taxe , faite en l'annee mil six cens cinq (sur laquelle le droit annuel a esté payé) a ceux qui seront nommez par les Cours, ausquelles pour cét effect la nomination à iceux sera renduë, si la Marquise

qui veut tout engloutir , ne vous en empesche ,
comme elle à commencé par les deux offices
qu'elle a desia emportez à vostre barbe.

Faites introduire les deuolurs sur les Offices ;
comme il est sur les benefices pour contenir les
Officiers en leur iuste debuoir.

Que les comptans expediez depuis la mort
de Henry le Grand , soient rayés & repetés
comme contraires aux reglements du conseil.

Qu'aucun ne puisse tenir plus d'un Office ,
ny benefice , & ceux qui en ont plusieurs , ayent
à les quitter & s'en deffaire dans trois mois , sur
peine de les perdre.

Que les concordats , sanction , indults , &
autres telles inuentions humaines soient estein-
tes & abolies , comme source de toute heresie
& mauuaise doctrine , & qu'au lieu soient re-
stablies les eslection legitimes & canoniques.

Sur tout que les partisans soient chassés com-
me pestes de l'estat : le Temple de iustice ou-
uert , & les Marchans & Ministres d'iniquité
bannis.

Ie ne touche point en ce qui est des affaires
d'Estat , au compte que la Royne vous veut
rendre des deniers quelle a fait leuer durant sa
regence , au sujet de la desfaueur de Monsieur
de Villeroy : a la froideur dont Monsieur le
Châcelier a vsé en ceste occasion : a la depof-
sion future du Sieur President Ianin , s'il ne
controle tout ce que la Marquise luy com-
mandera : aux nouueaux honneurs du Sieur
de Pisieux , a cause du taillon & de son nouuel
mariage : rié sur le mariage futur du Marquis de

la Vallette, avec la fille du Marquis non plus de
celuy qu'il auoit proposé avec Monsieur le
Duc de Longueuille, encor moins sur la charge
de Conestable, promise a Monsieur Desper-
non: ie ne vous dis rien sur ce qui s'est passé aux
Faulxbourg Saint Germain des prés, touchant
la rupture des prisons, & depuis au Palais, a la
honte de la France, & au mespris de l'authori-
té de sa Maiesté, du Parlement & des Estats
generaux: ny au peu de iustice & de satisfaction
qui en a esté faite: non plus de la liberté de
parler de Messieurs du Clergé, contre l'autho-
rité de nos Roys, mesme de la hardiesse de
Messieurs nos Cardinaux, qui veulent faire le
Rôy & ses sujets esclaves de l'inquisition de
Rome, contre les priuileges des fleurs de lix:
il ne touche non plus les assassins que les Ita-
liens introduisent en France, contre nostre No-
blesse, les ayant commencés dans Paris en la
personne du Sieur de Riberpray: rien sur lin-
fraction de l'Edict des duels par le Sieur de Gra-
mōd, vostre député, & Marquis de la Force, ny
aussi a la promesse faite au Seigneur Louys
Dolle, d'estre Chancelier de France, de Na-
uarre, & des Roynes, a la premiere boutade
du Marquis, pour les bons auidis & conseils
qu'il baille contre vos pouuoirs & autorités:
moins encores a la iustice que vous deuez
poursuiure du parricide commis en la person-
ne du feu Roy Henry le Grand nostre bon Pe-
re, & au gouuernement de Picardie qu'on veut
oster a Monsieur de Longueuille pour le don-
ner audit Marquis: bref ie ne vous dis rien sur
le despart

le despart du commandeur de Sillery, sur le
 suiet de son voyage, ny de celluy de Monsieur
 de la Rochefoucault, ny sur les mariages: &
 plusieurs autres choses, dont ie ne veux parler
 tout cela demande des volumes entiers de
 Pierre Matthieu, la censure du Caton François,
 & la plume de celuy qui vous persuade & exor-
 te de demander par vos cayers l'expulsion du-
 dict Marquis, par la lettre qu'il nous a escripte:
 ce ne sont point affaires de Finance, ie me con-
 stante de vous parler, de ce qui est de mon me-
 stier seullement.

Mais souuenez vous que si vous n'obligez la
 Roynepar escrit (pour vostre descharge) de re-
 soudre vos cayers auant que vous soyez sepa-
 rés, on se moquera de vous & en sera de mes-
 mes qu'aux autres Estats ou l'on n'a faict que
 manger le peuple: ie sçay bien qu'un subiect
 doit suplier son Prince, luy obeyr, & non l'o-
 bliger: mais cest à l'endroit d'un particuliet
 non d'un corps des Estats de tout le Royaume:
 en apres cela est bon a un Roy qui est en aage,
 & scait commander, & non a une ieune Prince
 qui a l'estranger dans sa maison, & dans sa
 chambre, & qui ne voit que par les yeux de
 son conseil: c'est pourquoy la liberte desdits
 Estats, doit estre d'autant plus grande qu'elle
 est generale, & publique: ie vous en ad-
 uertis comme sçauant, & qu'il ne faut point
 que vous pensiez de retourner en ces maisons,
 les mains vuides, si ne voulez estre dictz deser-
 teurs de vostre patrie infidelles, & courre for-
 tune de plus.

Cela estant Messieurs ne doubtez point que Dieu ne vous benisse, & que vous ne faciés mentir tous ceux qui disent que vous ne faites rien qui vaille:

Je pry le Createur du monde. qu'il vous assiste, & vous inspire la volonté de bien faire, que si vous mesprisez les larmes du peuple affligé, ne doubtes point que sa Majesté diuine ne face iustice a ceux a qui les hommes l'auront refusez: C'est le vœu de toute la France.

Salus populi suprema lex esto.

Fautes a corriger.

PAge. 3. ligne penult. lisez ces mauuais.
p. 8. l. 27. lisez Dancre. p. 13. l. 27. lisez aux
memoires p. 14. l. 14. lisez ces gens p. 19. lig. 19.
lisez de sa superintendance p. 20. l. 12. lisez tro-
ter l'ordonnance l. 15. lisez la Marchand l. 19.
lisez contant p. 21. l. 3. l. lisez Longueraie p. 2. l.
6. lisez pauvre Gondy p. 23. l. 15. lisez ie ne vise
p. 27. l. 3. lisez le pair. l. 9. lisez promet p. 28. l.
10. lisez vostre poursuite lig. 11. lisez vous en
faiètes. l. 29. lisez sur les. p. 29. l. 12. lisez em-
peschent & de Parant. l. 17. lisez son offre l.
26. lisez. sel. l. 30. lisez vostre denonciateur p.
30. l. 29. lisez des Comptes l. 31. lisez. par Edict
l. 32. lisez par vous.

Pamphlet

Très favorable à la noblesse, dont il lie
le sort à la monarchie.

Très vif contre les officiers de justice & de
finances, d'où vient tout le mal, selon lui.

Il demande ~~pour~~ une distinction
curieuse entre les nobles & les gentilshommes.
et le maintien de tous les privilèges nobiliaires.

Voir le P. Delong, n° 20.232.

